

**<<Հայոց եկեղեցու պատմություն>>**

**10-րդ դասարան**

**№ 1-8**

**Ընտրովի պատասխանով առաջադրանքներ**

**1. Հիսուս Քրիստոսի առաքյալներից ո՞վքեր ականատես եղան նրա պայծառակերպությանը. (0.5 միավոր)**

- 1) Թադեոսը, Պետրոսը, Հովհաննեսը
- 2) Հովհաննեսը, Հակոբոսը, Պետրոսը
- 3) Բարդուղիմեոսը, Հակոբոսը, Պետրոսը
- 4) Հակոբոսը, Հովհաննեսը, Բարդուղիմեոսը

**2. Ինչպե՞ս է Եզեկիել մարգարեն անվանում Հայաստանը. (0.5 միավոր)**

- 1) Թորգոմի տուն
- 2) Արարատի թագավորություն
- 3) Ասքանազյան թագավորություն
- 4) Տուն Հայոց

**3. Ի՞նչ է տեղադրված հայկական եկեղեցիներում՝ խորանի կենտրոնում. (0.5 միավոր)**

- 1) մկրտության ավազանը
- 2) պատարագի Սուրբ Սեղանը
- 3) գավիթը
- 4) ավանդատունը

**4. Գրկելով մանուկ Հիսուսին ի՞նչ ասաց Սիմեոն ծերունին.**

- 1) որ նա կդառնա Երուսաղեմի արքա
- 2) որ նա կփրկի իսրայելացիներին
- 3) որ նա կդառնա մեծագույն մարգարե
- 4) որ նա փրկություն և լույս կլինի մարդկանց համար

**5. Ե՛րբ է տեղի ունեցել Վաղարշապատի Մայր տաճարի նավակատիքը.**

*(0.5 միավոր)*

- 1) 301թ. հունվարի 6-ին
- 2) 302թ. սեպտեմբերի 14-ին
- 3) 303թ. ապրիլի 7-ին
- 4) 303թ. օգոստոսի 15-ին

**6. Ի՞նչ էր քարոզում Արիստը.**

*(0.5 միավոր)*

- 1) մերժում էր Քրիստոսի աստվածային էությունը
- 2) քարոզում էր, որ Մարիամից ծնվել է Հիսուս մարդը և հետո միայն՝ մկրտության ժամանակ, աստվածային էությունը Սուրբ Հոգու միջոցով իջել է Քրիստոսի վրա
- 3) քարոզում էր, որ Սուրբ Հոգին Աստված չէ
- 4) քարոզում էր, որ Հիսուս Քրիստոսի մեջ աստվածային և մարդկային բնությունները խառնված ու շփոթված են, և մարդկային բնությունը տարրալուծված է աստվածային բնության մեջ

**7. Ալեքսանդր I ցարը Հայոց ո՞ր կաթողիկոսին նվիրեց վեղարի ադամանդակուռ խաչ.**

*(0.5 միավոր)*

- 1) Դանիել Ա Սուրմառեցուն
- 2) Հովհաննես Ը Կարբեցուն
- 3) Եփրեմ Ա Ձորագեղցուն
- 4) Ներսես Ե Աշտարակեցուն

**8. Ո՞վ է. «Ես գիտեմ, որ ոչինչ չգիտեմ» արտահայտության հեղինակը.**

*(0.5 միավոր)*

- 1) Պլատոն
- 2) Արիստոտել
- 3) Սոկրատես
- 4) Դավիթ Անհաղթ

**№ 9-12**

**Կառուցված պատասխանով առաջադրանքներ**

9. Արարատյան հայրապետական թեմի առաջնորդանիստը Երևանի  
----- եկեղեցին է:

*(1 միավոր)*

10. 1066թ. Ծամնդավում գումարված ժողովի ժամանակ կաթողիկոս ընտրվեց  
-----, որի գահակալությամբ Հայոց  
եկեղեցու պատմության մեջ սկսվեց Պահլավունի տոհմի գահակալության  
շուրջ 140-ամյա շրջանը: *(1 միավոր)*

11. ----- եկեղեցում գործածվող գրքերից է, որում  
նշվում են տարվա ընթացքում եկեղեցական տոների օրերը և կատարման  
կարգը: *(1 միավոր)*

12. Քրիստոնեական բարոյագիտության մեջ յոթ մահացու մեղքերից մեծա-  
գույնը համարվում է -----ը:

*(1 միավոր)*

**№ 13-14**

**Համապատասխանեցում պահանջող առաջադրանքներ՝**

**յուրաքանչյուրը 4 փաստից**

13. Հայոց եկեղեցում օգտագործվող իրերի անունները համապատասխանեցնել  
իրենց նկարագրությանը. *(1 միավոր)*

1. կանթեղ
2. խաչվառ
3. մաղզմա
4. սկիհ

- ա. Խնկարկության համար գործածվող կրակի փոքր աման:
- բ. Հարթ պնակ, որի մեջ ամփոփում են սուրբ հաղորդության նշխարը և դնում սկիհի վրա:
- գ. Արծաթյա՝ ներսից ոսկեզօծ ոտքով կամ պատվանդանով գինու բաժակ, որն օգտագործվում է պատարագի ընթացքում:
- դ. Թափորի առջևից տանելու համար երկար ձողի վրա ամրացված մետաղյա կամ փայտյա խաչ, որի վրա ամրացված դրոշը երկու կողմերից կրում է Քրիստոսի, Աստվածամոր և սրբերի ասեղնագործ պատկերներ:
- ե. Սուրբ Սեղանի և սրբապատկերների առջև շղթաներից կախվող ճրագակալ:

1	
2	
3	
4	

**14. Եկեղեցու Սրբազան ավանդության, որմնանկարչության, մանրանկարչության և քանդակագործության մեջ տարածված ավետարանիչների խորհրդանշանները համապատասխանեցնել Ավետարանիչների անուններին.**  
(1 միավոր)

- 1. Մարկոս
- 2. Հովհաննես
- 3. Ղուկաս
- 4. Մատթեոս

- ա) մարդ
- բ) օձ
- գ) եգ
- դ) առյուծ
- ե) արծիվ

1	
2	
3	
4	

**№ 15-16**

**Ժամանակագրական հաջորդականության իմացություն  
պահանջող առաջադրանքներ՝ յուրաքանչյուրը 5 փաստից**

**15. Գևորգ Ե կաթողիկոսի գահակալման տարիներին տեղի ունեցած իրադարձությունները դասավորել ժամանակագրական հաջորդականությամբ.**

- ա) Խորեն արքեպ. Մուրադբեկյանը հայտարարվեց կաթողիկոսական տեղապահ:
- բ) Ստեղծվեց Եղբայրական օգնության Էջմիածնի կոմիտեն:
- գ) Պողոս Նուբարը լիազորվեց մեծ տերություններին ներկայացնելու հայկական բարենորոգումների հարցը:
- դ) Հայոց աշխարհիկ և հոգևոր իշխանությունների փոխհարաբերությունների իրավական կարգավորման նպատակով կազմվեց ժամանակավոր «դաշնագիր»:
- ե) Էջմիածնում հրավիրվեց հայ գաղթականության հարցերին նվիրված համագումար:

1	
2	
3	
4	
5	

**16. Տրված տոները դասավորել ըստ տարվա ընթացքում նրանց տոնման հաջորդականության:**

*(1 միավոր)*

- ա. Վարագա Սուրբ Էսաչի
- բ. Սրբոց Ղևոնդյանց
- գ. Բուն Բարեկենդան
- դ. Պայծառակերպություն
- ե. Սրբոց Վարդանանց տոն

1	
2	
3	
4	
5	

**№ 17**

**Աշխատանք սկզբնաղբյուրով՝ կազմված 2 հարցից**

17. «Այսօր մեր գոյամարտը, անկախ մեր ցանկությունից, որքան էլ երկար տևի, ոչ մի դեպքում ընկրկում, նահանջ, թուլացում մենք մեզ չենք կարող թույլատրել: Դա դավաճանություն է Աստծուն, դավաճանություն է հայրենիքին»:

1. Ո՞վ է այս խոսքերի հեղինակը:

---

2. Ե՞րբ է արվել այս հայտարարությունը:

---

**№ 18-19**

***Տերմինների, հասկացությունների, պատճառահետևանքային կապերի, փաստերի իմացություն և խմբավորում պահանջող առաջադրանքներ՝ յուրաքանչյուրը 2 ճիշտ պատասխանով***

18. Նշել երկու ճիշտ պատասխան.

*(0.5 X 2 = 1 միավոր)*

Տրված պայմաններից ընտրել երկուսը, որոնք համաձայն եկեղեցու կողմից հաստատված կանոնների կարող էին ամուսնալուծության պատճառ հանդիսանալ.

- 1) Ունեցվածքի բացակայությունը
- 2) Անզավակությունը

- 3) Ամուսիններից որևէ մեկի հիվանդանալը
- 4) Ամուսիններից որևէ մեկի յոթ և ավելի տարի անլուր բացակայությունը
- 5) Ամուսիններից որևէ մեկի մինչև ամուսնությունը թաքցրած անբուժելի խելագարությունը կամ դիվահարությունը


**19. Նշել երկու ճիշտ պատասխան.**

*(0.5 X 2 = 1 միավոր)*

**Ստորև թվարկված դրույթներից ո՞ր երկուսն են տեղ գտել 1920 թվականի փետրվարին կազմված ժամանակավոր «դաշնագրում»:**

- 1) Հայոց եկեղեցուն էր վերապահվում ՀՀ-ում արդարադատություն իրականացնելու իրավունքը:
- 2) Հայոց եկեղեցին կարող է նվիրակներ ունենալ օտար պետություններում և եկեղեցիներում ու նրանցից փոխադարձաբար ընդունել նվիրակներ:
- 3) Մայր Աթոռի լիազորները, թեմակալ առաջնորդները և Ազգային եկեղեցական ժողովի պատգամավորները պետք է աշխատավարձ ստանային պետական բյուջեից:
- 4) Մայր Աթոռի լիազորները, Սինոդի անդամները, թեմակալ առաջնորդները և Ազգային եկեղեցական ժողովի պատգամավորները պետք է օգտվեին անձի անձեռնմխելիության իրավունքից:
- 5) Հայաստանի խորհրդարանի ընդունած օրինագծերը պետք է վավերացվեին Ամենայն Հայոց կաթողիկոսի կողմից:
- 6) Հայոց կաթողիկոսին պետք է ընտրեր Ազգային-եկեղեցական ժողովը, իսկ ընտրությունը պետք է վավերացներ ՀՀ կառավարությունը:






A series of 28 horizontal dashed lines spanning the width of the page, providing a template for handwriting practice.



A series of 25 horizontal dashed lines spanning the width of the page, providing a template for handwriting practice.